

清明诗句古诗大全

1.
清明来向晚，山绿正光华。杨柳先飞絮，梧桐续放花。鶯声知化鼠，虹影指天涯。已识风云意，宁愁雨谷赊。——元稹《清明三月节》
2.
遥夜亭皋闲信步，乍过清明，渐觉伤春暮。数点雨声风约住，朦胧澹月云来去。桃李依依春暗度，谁在秋千，笑里轻轻语。一片芳心千万绪，人间没个安排处。——李煜《蝶恋花》
3.
乍暖还轻冷。风雨晚来方定。庭轩寂寞近清明，残花中酒，又是去年病。楼头画角风吹醒。入夜重门静。那堪更被明月，隔墙送过秋千影。——张先《青门引·春思》
4.
迳直夫何细！桥危可免扶？远山枫外淡，破屋麦边孤。宿草春风又，新阡去岁无。梨花自寒食，进节只愁余。——杨万里《寒食上冢》
5.
春阴天气草如烟，时有飞花舞道边。院落日长人寂寂，池塘风慢鸟翩翩。故园回首三千里，新火伤心六七年。青盖皂衫无复禁，可能乘兴酒家眠。——王安石《清明秣下怀金陵》
6.
清明上巳西湖好，满目繁华。争道谁家，绿柳朱轮走钿车。游人日暮相将去，醒醉喧哗。路转堤斜，直到城头总是花。——欧阳修《采桑子》
- 7.

新烟著柳禁垣斜，杏酪分香俗共夸。白下有山皆绕郭，清明无客不思家。
卞侯墓上迷芳草，卢女门前映落花。喜得故人同待诏，拟沽春雨醉京华。
——高启《清明呈馆中诸公》

8.
连日风沙此日晴，东君有意作清明。垂鞭醉入宫城去，一片伤心画不成。
——王恽《汴梁清明》

9.
好风胧月清明夜，碧砌红轩刺史家。独绕回廊行复歇，遥听弦管暗看花。
——白居易《清明夜》

10.
节近清明长是阴，黄花间在麦苗深。倦行却上高楼望，烟锁前村一半林。
——赵孟坚《清明》

11.
愁病春来次第加，清明寂寞类僧家。留人野饭新挑菜，乞火邻墙旋煮茶。
晴日檐楹杨柳色，微风帘幕海棠花。故人念我能相过，不遣良辰负物华。
——文徵明《清明日陈淳过访》

12.
道字娇讹语未成，未应春阁梦多情。朝来何事绿鬟倾。彩索身轻长趁燕，
红窗睡重不闻莺。困人天气近清明。——苏轼《浣溪沙·春情》

13.
太守风流甚，吟笺写蜀麻。寻春何处客，映柳阿谁家。蜡炬传新火，朱
栏发旧花。月光将欲满，特地炤铅华。——梅尧臣《依韵和三月十四日
清明在席呈》

14.
淡荡春光寒食天，玉炉沉水袅残烟。梦回山枕隐花钿。海燕未来人斗草，
江梅已过柳生绵。黄昏疏雨湿秋千。——李清照《浣溪沙》

15.

无花无酒过清明，兴味萧然似野僧。昨日邻家乞新火，晓窗分与读书灯。
。——王禹偁《清明》

16.

佳节清明桃李笑，野田荒冢只生愁。雷惊天地龙蛇蛰，雨足郊原草木柔。
。人乞祭余骄妾妇，士甘焚死不公侯。贤愚千载知谁是，满眼蓬蒿共一丘。
。——黄庭坚《清明》

17.

蚤是伤春梦雨天，可堪芳草更芊芊。内官初赐清明火，上相闲分白打钱。
。紫陌乱嘶红叱拨，绿杨高映画秋千。游人记得承平事，暗喜风光似昔年。
。——韦庄《长安清明》

18.

再钻巴火尚浮家，去国年多客路赊。那得青烟穿御柳，且将银烛照京花。
。香鬟半醉斜枝重，病眼全昏瘴雾遮。锦地绣天春不散，任教檐雨捲泥沙。
。——范成大《清明日试新火作牡丹会》

19.

清明时节雨纷纷，路上行人欲断魂。借问酒家何处有？牧童遥指杏花村。
。——杜牧《清明》

20.

踏歌槌鼓近清明，小雨霏霏欲弄晴。唤起十年心上事，春风楼下卖花声。
。——何应龙《清明》

21.

新火飞烟上柳梢，天供好景助诗豪。江湖一处逢嘉月，溟海同时得巨鳌。
。白水更随春雨长，青云不及画楼高。千桡插羽鼙声动，十里惊雷夺暮涛。
。——张先《次韵清明日西湖》

22.

君与田苏即旧游，我于交分亦绸缪。二年隔绝黄泉下，尽日悲凉曲水头

。鸥鸟似能齐物理，杏花疑欲伴人愁。寡妻稚子应寒食，遥望江陵一泪流。——罗隐《清明日曲江怀友》

23.

无花无酒过清明，兴味萧然似野僧。昨日邻家乞新火，晓窗分与读书灯。——王禹偁《清明》

24.

挟弹飞觥迹已陈，赏心事去负芳辰。数经风雨花尤厄，试说关山柳亦颦。人到苍皤方觉老，天无红绿不成春。近来未有池塘梦，谁道先生意尚新。——刘克庄《清明》

25.

黄莺乱啼门外柳，雨细清明后。能消几日春，又是相思瘦。梨花小窗人病酒。——张可久《清江引·春思》

26.

清明上巳西湖好，满目繁华。争道谁家。绿柳朱轮走钿车。游人日暮相将去，醒醉喧哗。路转堤斜。直到城头总是花。——欧阳修《采桑子·清明上巳西湖好》

27.

郡内开新火，高斋雨气清。惜花邀客赏，劝酒促歌声。共醉移芳席，留欢闭暮城。政闲方宴语，琴筑任遥情。——张籍《同锦州胡郎中清明日对雨西亭宴》

28.

自从闽峤至延平，试问归途第几程。人向烟岚深处出，鸟依云树密边鸣。润沾破屐春泥滑，寒入征衫晓雨晴。多谢山家插杨柳，报依今日是清明。——高翥《清明日延平道上》

29.

佳节清明桃李笑，野田荒冢自生愁。雷惊天地龙蛇蛰，雨足郊原草木柔。——黄庭坚《清明》

30.

清明暮春里，怅望北山陲。燧火开新焰，桐花发故枝。沈冥惭岁物，欢宴阻朋知。不及林间鸟，迁乔并羽仪。——孙昌胤《清明》

31.

世味年来薄似纱，谁令骑马客京华？小楼一夜听春雨，深巷明朝卖杏花。矮纸斜行闲作草，晴窗细乳戏分茶。素衣莫起风尘叹，犹及清明可到家。——陆游《临安春雨初霁》

32.

早是伤春梦雨天，不堪芳草更芊芊。内官初赐清明火，上相闲分白打钱。紫陌乱嘶红叱拨，绿杨高映画鞦韆。游人记得承平事，暗喜风光似昔年。——韦庄《长安清明》

33.

兼旬蹭蹬在京华，又见东风御柳斜。客里不甘佳节过，借人亭馆看梨花。——瞿佑《清明》

本文链接：<https://duanjuziku.com/duanjuzi/wivph5ul3e.html>